



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

Capvt XLVII.

urn:nbn:de:hbz:466:1-15617

factum est ut Rodulfus, qui aiebat sibi impositam esse necessitatem parendi Archiepiscopo Lugdunensi Primi suu, ad Concilium Amati accedere recusaverit. Quam ob causam, ut ego quidem existimo, excommunicatus est ab Amato, quod ei inobedientis extitisset. Ita enim habetur in Narratione monachorum Majoris-monasterij Turonensis de his que acta sunt pro libertate illius monasterij, edita a clarissimo viro Laurentio Bochello ex veteri codice M.S. qui nunc extat in bibliotheca Seguieriana: *Consilium & opem requisivimus Domni Amati Legati sedis apostolice & Archiepiscopi Burdegalensis Ecclesie. Qui afflictioni noſtre valde compatiens, indicavit nobis cassam esse illam excommunicationem quam super nos Archiepiscopos Turonensis & complices eius intentaverant. Quippe ipse antea eundem Archiepiscopum Rodulfum certis ex cnpis excommunicaverat; & in hoc magis nos esse reos constanter affirmabat, quod inobedienti suo quoquo modo obedieramus &c.* Probabile est Amatum communicasse cum Hugone literas pontificias legationem suam continentem, Hugonem vero earum auctoritatem reverenter suscepisse, benèque deinceps inter eos convenisse. Nam in eadem Narratione monachorum Majoris-monasterij reperio celebratum ab iis una fuisse Colloquium Dolense in Biturigibus, in quo rursum agitata est causa illius monasterij: *Denique Dolensi Colloquio, quod eo tempore habitum est coram Primatis & Legatis sancte Romane Ecclesie, domino videlicet Hugone, & domino Amato, de quibus prediximus &c.*

XI. Verum ut redeamus ad legationem Aquitanicam, sic constituere possumus, nullos ei terminos fuisse praescritos, sed contractos aut dilatatos pro libito Summorum Pontificum. Quippe Amato, præter quinque provincias quas diximus, mandata etiam fuit prima Narbonensis & provincia Tarraconensis, quae tum sub Metropolitanu Narbonensi erat & Regibus Francorum parebat. At Gerardo Engolismensi Episcopo tributæ sunt tantum quinque provinciae; nihilque juris illi concessum est in provinciam Narbonensem, neque in Tarraconensem. Ad exemplum vero potestatis qua illi collata fuerat, Innocentius II. Gaufrido Carnotensi Episcopo legationem Aquitanicæ commisit, id est, earum provinciarum quas auctorati Geraldii fuisse subjectas jam docuimus. Vnde in Chronico Maurigniacensi scriptum est Aquitanicæ totius legationem illi commissam fuisse. Hunc, inquit auctor illius Chronicus, precedentes Apostolici amicu semper & familiarem habuerant, & pro valoris vel elegantie qua preditus erat magnitudine, to-

tius ei Aquitanicæ legationem indexerant. In eo tamen errat hic auctor, quod ait illam legationem Gaufrido commissam fuisse à decessoribus Innocentij secundi. Constat enim Gerardum ea dignitate ornatum fuisse à temporibus Paschalis usque ad Innocentium, eam verò tum transmissam ad Gaufridum quando Gerardus secessit ab obedientia Innocentij, in partes transgressus Anacleti. Vnde factum est ut in Martyrologio Carnotensi, ut quidem citant viri clarissimi Sammarthani, dicatur functus esse legatione pro Innocentio per annos quindecim. Præstat autem locum ipsum heic referre, cum in eo enumerauntur provinciae quæ limitibus Aquitanicæ legationis tum continebantur, si tamen Auficitana, quæ vitio haud dubie librarij omissa est, addatur. Non Kal. Febr. obiit Gaufridus Episcopus Carnotensis, qui super Bituricensem, Burdegalem, Dolensem, & Turonensem provincias per annos circiter 15. sancti & religiosi functus est legatione pro Innocentio. Mendosus est hic locus. Nam legatio Aquitanicæ ei commissa est ab Innocentio post annum MCXXX. Ipse vero obiit anno MCXXVIII. Itaque non potuit legatione illa fungi per annos quindecim.

C A P V T X L V I I .

Synopsis.

I. Perpetuos in provinciis Legatos instituendos esse censuerunt Romani Pontifices, reserato rei munda domini arcano per legationes. Probatur ex Honorio III.

II. Sed ut res ista ordine procederet, insinuanda erat agro mortalium generi necessitas Legatorum. Ea necessitas deducta ex cura universalis Ecclesie, quam Romana sedis antistitit incumbere scribit post Vigilium Alexander secundus. Eam curam expetere ut Romanus Pontifex mittat qui provincias vice sua visitet. Hoc ius à veteri conjectudine repetit Gregorius septimus. Ex ea persuasione factum ut cuncta ecclesiastica negotia Legatis committerentur, specie exirpandi viae & inferendi virtutes.

III. Religiosissima illa Pontificum verba non nam semper aspicebantur in provinciis, eaque specie pietatis aliquando passa est contradictionem.

IV. Eandem veterem conjectudinem obtulerunt etiam Paschalis II. & Callistus II.

V. Prædecessorum suorum cogitata magnificis virtibus elocutus est Innocentius III. Legatorum utilitatem ac necessitatem commendans.

VI. Ex eo factum est ut in immensum posterioribus seculis excreverit Legatorum dignitas & auctoritas, ita ut cuncte omnino provinciarum negotia ad eos deferrentur. Olim causas judicabant in Concilio. Vtius vero temporibus insuperhabuerunt Episcoporum nomen.

VII. Tanta olim fuit Legatorum auctoritas ut non licet judicia eorum retractare. Probatur auctoritate Alexandri.

& Imperij Lib. V. Cap. XLVII. 137

Alexandri II. apud Thomam Spalatensem. Item ex Gregorio septimo.

VIII. Fuit illud unum ex arcana, retinenda dominacionis, ea approbare que à Legatis acta erant. Maxima porro & amplissima potestate ornabantur. Facile Legatis erat quemlibet suo legationis Episcopum opprimerem.

X. Ivo Carnotensis docet tantam fuisse Legatorum auctoritatem ut ad reddendam factorum suorum rationem cogi non possent, quantumvis iniqua sententia esset.

X. *Iudicia Legatorum ac delegatorum apostolica sedis debere esse sacrosancta declaravit Innocentius III. in causa Episcopi Pittaviensis.*

I. **R**ESE RATO retinendæ dominatio-
nis arcano per legationes, perpetuos in provinciis Legatos ea de causa instituen-
dos esse censuerunt Romani Pontifices. Eam illis mentem fuisse docet Honorij III. epistola ad Rogerium Archiepiscopum Pisanum, in qua verbis minimè ambiguis scribit Corsicam deferibusse à subjectione & obe-
dientia sedis apostolicae ob desuetudinem Legatorum. *Corsicana verò*, inquit, *tam pro-
lixitate spatiorum quam negligenter pauperum, dominorum insolentia, & desuetudine Legatorum sedis apostolicae, à subjectione & obedientia Ro-
mane Ecclesie deferuerat.* Scilicet ea prima & potior cura Legatis erat ut populos im-
buerent reverentia Pontificum Romanorum, commendata successione Apostolorum & loci auctoritate, intentatis porro pœnis adversus eos qui majestatem Romanæ sedis minus colere viderentur. Et suetus jam Legatis Christianus orbis nihil aliud malebat, imbutus nimirum ea persuasione, curam universalis Ecclesiæ ita pertinere ad Summum Pontificem ut cuncta Ecclesiarum negotia ab illo seu à Legatis ejus judicanda essent.

II. Hanc disciplinam in animos hominum immittere curarunt Pontifices variis tempori-
bus. Diversa in eam rem sunt Alexandri se-
cundi verba ex epistola generali de legatione Petri Damiani Episcopi Ostiensis, quæ infra describuntur in capite trigesimo libri sexti. Is ergo jus mittendorum in provincias Legato-
rum ex eo capite arcessit, ut olim factum à Vigilio, quod cura universalis Ecclesia eum cogat mittere ad vicem suam personas quæ visitent Ecclesias, cum id efficere per seipse non posset. Altius hoc jus repetit Gregorius septimus, qui Legatum in Gallias mittens Amatum Episcopum Oloronensem, ait se id facere juxta veterem consuetudinem Roma-
næ Ecclesiæ, quæ ab ipsis sua fundationis pri-
mordiis, ut ipse ait, ad omnes partes quæ Christianæ religionis titulo prænotantur luous Legatos misit; *quatinus ea que gubernator & rector ejusdem Romane Ecclesie per suam presen-
tiam expedire non prevalet, vice sua Legatis con-*

Tom. II.

cessa, monita salutis ac morum honestatem pereos cunctis per orbem terrarum constitutis Ecclesiis nuntiaret. Ex ea persuasione factum ut cuncta ecclesiastica negotia Legatis committeren-
tur, specie extirpandi vitia & inferendi vir-
tutes. Gregorius itaque post magnificam il-
lam præfationem hæc addit: *Proinde horum presentium portiorem, venerabilem confratrem nostrum A. Episcopum, ad partes vestras dirigi-
mus; ut que ibi vitia eradica fiant à funda-
mento evulsis, plantaria virtutum Deo auctore solerter vigilantia plantare procuret.*

III. Verū licet ista religiosissimis ver-
bis scriberent Pontifices, non ita tamen semper accipiebantur in provinciali, eaque spe-
cies pietatis aliquando passa est contradic-
tionem. Miserat idem Gregorius Legatos in Germaniam anno M L X X I V . Hubertum Episcopum Prænestinensem & Giraldum Ostiensem, ut vice ejus & auctoritate fulti, convocato Concilio generali, *que corrigenda essent corrigent, que religioni addenda essent adderent.* Intercessit his mandatis Liemarus Bremenensis Archiepiscopus omnium Germaniæ Episcoporum nomine, synodus à Legatis celebrari prohibens, tanquam rem ini-
nitaram & longè à suis rationibus alienam. Itaque re infecta Legati reversi sunt; casti-
gatiusque properea est graviter Liemarus à Gregorio, licet irrito conatu. *Ista porrò contigerunt quo tempore dissociata erat concordia sacerdotij & imperij.*

IV. Eandem veterem consuetudinem, quam obtendebat Gregorius, obtendit & Paschalis II. ad Henricum Regem Anglo-
rum scribens his verbis: *Vniverſum ſiquidem
terrarum orbem Dominus & Magiſter noſter ſuis
diſcipulis diſpergit, ſed Europa, fnes Petro ſingulariter commiſſit & Paulo; nec per eorum tan-
tum, ſed per ſucceſſorum diſcipulos ac Legatos,
Europa univerſitas converſa eſt & conſirmata.
Vnde uſque ad nos, licet indignos, eorum Vicarios
haec conſuetudo pervenit, ut per noſtre ſedis
Vicarios graviora Eccleſiarum per provincias ne-
gotia pertractarentur ſeu retractarentur. Item
Calliſtus ſecundus, cū anno M C X X . Le-
gatum in Galliam mitteret P. Prefbyterum
Cardinalem. Nam de legatione ejus scribens
ad Ludovicum Regem Francorum, ita lo-
quitur: *Nos enim à latere noſtro cum ſecundūm To. 3. Spialegg
antiquam apostolica ſedi conſuetudinem ad ter-
ram potefatis tua pro corrigendo & conſirmando
que corrigenda & conſirmanda fuerint delegamus.**

V. Innumerā sunt exempla hujusmodi, si quis ea congerere velit. Verū cū referre omnia necesse non sit, ſufficiet unicus Innocentij III. locus, qui quod decessores ejus simplici sermone dixerunt, magnificis verbis elocutus eſt ad Imperatorem Con-

S

*Vide Baron. ad
ann. 1074. f. 1.*

*Gregor. VII. lib.
2. epifl. 29.*

*Apud Eadmer.
pag. 115.*

*To. 3. Spialegg
pag. 146.*

*Iustic III. lib. 16.
ep. 3. 104 & seqq.*

stantinopolitanum scribens de legatione concessa Pelagio Episcopo Albanensi. Primum igitur scribit Dominum Iesum Christum sedem apostolicam instituisse totius Christianitatis caput & magistrum, à qua panis intellectus & vita ad alias procedat Ecclesias. Pontificem Romanum portare onera gravia cum plenitudine potestatis. Verum quia ipse cuncta per se facere non potest, multos sibi operarios & coadjutores adjungere, ac per eos exequi quod per se non potest personaliter adimplere, sic vices suas aliis committendo ut intelligatur ipse met facere quod per alios fieri decernit. Cùm autem necessitas Ecclesie CP. postulet illuc mitti Legatum à latere, destinasse in eam rem Pelagium Episcopum Albanensem; cui nos vices nostras commisimus, inquit, ut juxta verbum propheticum evellat & destruat, edificet & planet, que secundum Deum evellenda & destruenda necnon edificanda cognoverit & plantanda.

VI. Ex eo factum est ut in immensum posterioribus seculis excreverit Legatorum dignitas & auctoritas, ita ut cuncta omnino provinciarum negotia ad eos deferentur, sive de judiciis ageretur, sive de confirmationibus privilegiorum; tum etiam si qui lites concordia inita finivissent, pactiones suas auctoritate Legatorum firmari postulabant. Ea cùm sint notissima, inutile esset ea perseguiri, & satis est observasse. Quare non sine causa adnotavit Paschalis II. ad Henricum Regem Anglorum scribens, hanc esse confuetudinem ut per sedis apostolicæ Vicarios graviora Ecclesiarum per provincias negotia pertractentur. *Vnde usque ad nos, inquit, licet indignos, eorum Vicarios haec consuetudo pervenit, ut per nostra sedis Vicarios graviora Ecclesiarum per provincias negotia pertractarentur seu retraharentur.* Legati vero, tametsi omnia pro suo arbitrio gererent, ut plurimū cuncta peragebant in Conciliis, ut quæ ipsi statuebant, etiam Episcoporum auctoritate tenerent. Sed ultimis temporibus, postquam solidata fuit suprema illorum potestas, insuperhabuerunt nomen Episcoporum, satis dignitatis illorum prospectum putantes si coram illis decreta conderentur. Denique Gerardus Episcopus Sabinensis & apostolicæ sedis in Sicilia Legatus, cùm generale Concilium celebrasset apud Melphiam anno millesimo ducentesimo octagesimo quarto, in eoque nonnullas constitutiones edidisset, eas suo tantum nomine publicavit, nulla facta mentione Concilij approbatib: *Vniversis Archiepiscopis & Episcopis & aliis Ecclesiarum Prelatis per regnum Siciliae constituis tenore presentium districte preci-*

piendo mandamus ut constitutiones quas in generali vocatione Prelatorum regni apud Melphiam in presenti edidimus obseruent & à subditis suis faciant inviolabiliter observari.

VII. Tanta enim fuit olim Legatorum apostolicæ sedis auctoritas, ut non solum, quod jam vidimus, cuncta Ecclesiarum per provincias negotia per eos agitarentur, sed non licet præterea judicia eorum retrahari, omninoque ea servanda essent quæ ab illo decretalib: fuerant in Conciliis provincialibus. Alexandri secundi pontificatu, cùm Scavi maximè cuperent fieri sibi potestatem divinae celebrandi in lingua Scavonica, quod prohibitum in synodo fuerat à Maynardo sedis apostolicæ Legato, idem Alexander negavit, jubens interim ut decretalib: Maynardi servarentur. Rem ita gestam narrat Thomas Archidiaconus Spalatensis cap. xvi. historia Spalatensis, qui hæc Alexandri verba ad legatos Scavorum dicta refert: *Nunc vero euntes, gentem illam facite obseruare omnia quæ à venerabili fratre nostro Maynardo sancte Rufine Episcopo Cardinali synodaliter statuta sunt.* Sic Gregorius VII. Papa, quantumvis justæ viderentur quorundam Aquitanorum Episcoporum querelæ adversus Geraldum Episcopum Oftiensem & sedis apostolicæ Legatum, noluit rationem habere eorum quæ ab illis postulabantur, ne auctoritatem Legati in dubium revocare videtur, seu ne temeraret ea quæ ab illo gesta fuerant, respectu conservande auctoritatis tue, inquit, & honori tuo providentes.

VIII. Fuit illud unum ex arcans retinendæ dominationis, ea approbare quæ à Legatis acta erant in provinciis, ne dignitas eorum in contemptum veniret. Quam ob causam potestate maxima & amplissima orabantur; eaque auctoritas, ut Mariana scribit, major erat quam ut ei obsisti à quocum posset. Insignis est in eam rem locus ex veteri charta Aquensis Ecclesie in Novem populania, quan illustrissimus Archiepiscopus edidit in Historia Benearvensi. Descripta enim successione quorundam Episcoporum illius Ecclesie, demum additur: *Tempore Bernardi prefuit Olorensi Ecclesiæ Episcopus nomine Amatus, vir è contrario magna astutia & calliditatis, & totius Vasconica Legatus; qui quoniam totius Vasconica & aliarum provinciarum Legatus erat, facile quemlibet sua legationis Episcopum * suppressere poserat.*

IX. Quanta tum esset Legatorum auctoritas docet vel unicus Ivo Carnotensis Episcopus: qui tametsi liberè perstringat tyrannidem Hugonis Archiepiscopi Lugdunensis & apostolicæ sedis Legati, fatetur tamen tantam esse illius potestatem ut ad red-

*Apud Eadmer.
lib. 3. hisp. Novor.
pag. 115.*

dendam rationem rei à se gestæ cogi non posset, quantumvis iniqua sententia esset. De cetero, inquit, predam à Puteacensibus in me & in Carnotensem Ecclesiam factam jure possem à vobis repetrere, si reverentiam vestram in jus vocare possem, qui ad suggestionem emulorum meorum predictos sacrilegos a me & coëscopis meis communione privatos me nesciente communioni reddidisti, ac per hoc scelerum suorum impanitate ad perpetrandam majora sacrilegia relaxasti.

X. Denique judicis Legatorum ac delegatorum sedis apostolicae facta in provinciis debere esse sacrofæcta decrevit Innocentius III. adversus Episcopum Piastavensem scribens. Cum enim prefatus esset de magnitudine & dignitate Romana Ecclesia, dixisset que eam esse conditionis humanæ legem ut hominem simul in diversis locis existere aut ad loca remota transvolare subito non permittat, addit Romanum Pontificem, quæ per se ipsum non potest, per Legatos suos vel delegatos judices exequi. Castigato deinde temeritatem Episcopi Piastavensis, qui publicè prædicabat se in episcopatu suo esse velle Episcopum atque Papam, & afferbat quod per judices delegatos à Papa, quos Papæ judicellos appellabat, in sua diœcesi nihil agi sineret, Capellani porrò de Mirebello præsumperat inhibere ne obserarent sententias quas delegati ab Innocentio judices protulerant & præceperant firmiter observari. Castigato igitur Episcopo illo, jubet uti sententia illa firmiter observertur, ea præclara ratione addita: *Si enim delegatos à nobis judices pro mandatorum executione nostrorum tanto discrimini subjacere contigerit, quis commissiones nostras recipere aut mandata exequi non timebit?*

C A P V T X L V I I I .

Synopsis.

I. Legatorum in provincias adventus ne minimo quidem sumptui olim erat provincialibus. Demum lata lex est, qua cautum est uti eis suppeditarentur sumptui, non solum necessarij, sed etiam liberales. Referunt elegans locus Serloni Episcopi Sagiensis.

II. Gregorius II. horatio est Germanos uti Bonifacio impendia necessaria præberent. Tandem Gregorius VII. formulam jurisjurandi prescribens Metropolitanis, jurare eos præcepit uis Legatos Romanos in eundo & redendo honorifice tractarent & in suis necessitatibus adjuvarent.

III. Hoc Gregorij decretum statim receptum est. Hungari tamen refutare; ut colligitur ex epistola quadam Paschalii secundi, qua emendatur. Baronij hallucinatio dezeugitur, qui ex una Paschalii epistola duas fecit.

IV. Stabilita necessitate suppeditandorum Legatis sumptuum, prescriptu ab iis est ordosolutionis, co-

lique provinciales immensas aurum argenteum moles pendere. Probatur ex Joanne Sarreberensi, & ex sancto Bernardo.

V. Probatur etiam ex epistola Friderici I. ad Adriatum quartum, in qua savi Legatorum quorundam actus describuntur. Ea charta pura sigillata dabatur, ut in ea secundum occasiones scriberent quod animis collubitum esset suis.

VI. Hunc fuisse vetustis illis seculis morem Ecclesiæ seu Curia Romana probatur etiam ex Mattheo Parisi.

I. **L**EGATORUM Apostolicæ sedis in provincias adventus ne minimo quidem sumptui olim erat provincialibus. Simpliciter vietabant, & si quid illis dabatur, ultro dabatur, nemque cogebatur ad præbendos sumptus Legatis. Ultimis vero temporibus lata lex est, qua cautum est uti Legatis apostolicæ sedis suppeditarentur sumptus, non solum necessarij, sed etiam liberales, ab iis ad quos mittebantur. Elegans est locus Serloni Episcopi Sagiensis apud Ordericum Vitalem in libro duodecimo historie ecclesiastice. Hic ergo cum inaudivisset Cardinales Romanos Petrum & Gregorium adesse, Clericis dispensatoribus suis dixit:

Velociter ite, & diligenter Romanis servite, Order. Vitale cap. 30. 5. 2.

abundanter eis omnia dantes que necessaria sunt, quia legationem Domini Pape, qui post Deum universalis pater est, deferunt, ipsique, qualescunque sint, magistri nostri sunt.

II. Primus omnium Gregorius II. mittens Vide infra lib. 4. cap. 30. 5. 2.

in Germaniam Bonifacium, Clericis ac nobilibus laicis eum commendaverat, nihil sanè imperans, sed hortans ut ei impendia necessaria præberent. Contributio autem illa infra mediocritatem sublîstebat, quod exigu admodum sumptus sufficerent homini frugiliter viventi & Apostolorum virtutibus æmulanti, ac præterea contributio illa sponte fiebat à volentibus. Tandem Gregorius septimus, qui Legatorum auctoritatem in immensum extulit, etiam eorum commodis consuls, Metropolitanis formulam præscripte secundum quam jurare debebant cum Pallium eis ab apostolica sede dabatur. In ea vero formula addita est clausula de procurationibus Legatorum, ut eo pacto certi illis essent sumptus necessarij. Clausula illius haec sunt verba: *Legatum Romanum eundo & re-* Apud Baron. pt. an. 1079. 3. 9. &
deundo honorifice tractabo & in necessitatibus suis cap. Ego N. D. jurejurando.

III. Hoc Gregorij decretum statim publicatum, statim receptum est. Hungari tamen, quamquam sit major è longinquo reverentia, detrectaverunt per illas tempestates tribuere Legatis munera seu tributa quæ citra contradictionem eis solvebantur in aliis provinciis. Colligitur istud ex epistola Paschalii secundi ad Archiepiscopum Colociensem.

S. ij